

綫裝書局

高麗大藏經



B941
.22
:17

韓國海印寺藏原本

高麗大藏經

綫裝書局影印

第一七册目次

佛說法華三昧經一卷 劉宋智嚴譯 一

無量義經德行品一卷 北齊曇摩伽陀耶舍譯 七

薩曇分陀利經一卷 失譯 一五

妙法蓮華經七卷 姚秦鳩摩羅什譯 一七

正法華經十卷 西晉竺法護譯 九三

添品妙法蓮華經七卷 隋闍那崛多、笈多譯 一九一

維摩詰所說經三卷 姚秦鳩摩羅什譯 二六九

佛說維摩詰經二卷 吳支謙譯 二九九

說無垢稱經六卷 唐玄奘譯 三二七

佛說大方等頂王經一卷 西晉竺法護譯 三七三

大乘頂王經一卷 梁月婆首那譯 三八三

善思童子經二卷 隋闍那崛多譯 三九三

大乘悲分陀利經十卷 失譯 四〇五

悲華經十卷 北凉曇無讖譯 四八七

法華經十卷 唐義淨譯 五八三

合部金光明經八卷 北凉曇無讖等譯 六五五

善思童子經二卷 新開羅漢譯 五六三

大乘頁王經一卷 梁代吳音撰 三八三

將歸大式華頁王經一卷 西晉竺法護撰 三六三

將歸法華經六卷 宋支婁那 三二二

將歸法華經二卷 吳支維那 二六六

將歸法華經三卷 魏支維那撰 二六六

添品妙法華經一卷 新開羅漢譯 一六一

五法華經十卷 西晉竺法護撰 六三

妙法華經八卷 魏支維那撰 一六

翻曇伽經一卷 支那 一五

無量壽經十卷 西晉竺法護撰 六

將歸法華三和經一卷 魏支維那撰 一

第一十册目次

佛說法華三昧經一卷

宋涼州沙門智嚴 譯

佛在羅閱祇耆闍崛山中與諸尊弟子比丘千二百五十菩薩七万二千人諸釋梵不可復計十方飛來无央數皆神通妙達復有他方恒邊沙諸天人及諸菩薩如是等百億千恒沙皆來會在佛前坐時舍利弗須菩提等諸尊菩薩皆有疑心念言何因緣諸上人皆來在是間會有何異要之瑞應今時諸弟子起疑心念為佛作礼長跪欲問佛時已放無數光從口出若干億億稍稍引大遍虛空明遠照恒邊沙刹土地復震動於是盡明即不復見佛身相大衆愕然共議佛二昧為何所之趣各自思之即便還坐三昧求佛至處座前有菩薩名慧相便報言善哉善哉當余賢者思惟了不知所至處須臾羅閱王後宮太子皇女及姝女夫人三万二千人皆從共來詣山中到不見佛復有不想菩薩問王將從何多王名辯通答言

見佛光明故來耳王女名利行便問菩薩佛今所在為到何方答曰向已求佛了不知處女答曰卿是佛第一神通者應當知處菩薩答曰且坐須臾頃地即震動從地中出生自然大寶蓮華上衆坐上人愕然王女利行起為佛作礼訖住佛前說偈問佛向見大光明疑佛有異要故來將大衆欲問心狐疑及更不見佛意甚有恠驚願得具為說當令大衆解各發一三昧推求佛身相了言不知處各共坐作議更起何三昧畢欲求佛意女來問衆等佛今為所在純行有至心必欲有所問願見世尊授令意解狐疑具為現衆等分別解說之向所三昧處所名在何所佛語女利行所問甚深當為汝分別說向所三昧名法華辟如大園中有一樹有一華覆三千大千刹土其香熏恒邊沙佛國若有人得聞名字若知解自然疾得是三昧若諸病痛者得聞是三昧應時自解人根衆病消盡女利行問佛何謂華之威德乃有是慧佛語女利行華者一樹之色人

法華三昧經 第二卷 佛

見莫不愛樂欲得之者法華三昧是生死中之色大光受有形人不知不聞不信是三昧不奉行之未應菩薩不見慧失人之本反隨沫流終已不見明女利行復問佛今欲得是三昧行何法有幾事行得人中願佛引慈恩潤廣開行議令一切聞解皆入三昧中佛言善哉善哉多所度脫永度無極有二事何謂為二者知法身如幻如化二者知婁怒癡无根無形佛今時說偈言
法身有一切化幻現沉浮婁怒癡无形如木現泡沫觀察人身体如滅無形住離散合自成分別計皆空
佛語女利行復有四事別如行三昧者何謂為四一者行戒無色想二者行檀无受者三者不厭無乱者四者行智无愚者是為四佛今時說偈言
不犯戒無毀行檀不入智不厭无癡乱不愚無智慧不說无行者有行不言向三昧可得入無處无中邊
佛語女利行復有三十六事是為三昧所見事何謂三十六事不見生不

法華三昧經 第三卷 佛

見死不減不增不入不在外不在內無住无止無水色无火色無風色无地色無痛无痒無思无想無生无死無識无貪無煙无瞋無恚无愚無癡无慳無施无惡無善无心無意无識行不起上若于事不滅上若于事如一無形像為三十六事法華所見事佛亦時說偈言

不想念无念不行色想憂無行法華淨空寂无吾我不處有入中沒滅无形像不觀善以惡俱皆空自然

佛告女利行法華三昧所見辭亦如是佛說是三十六事品時無數天人及世間大眾人及三所侍從大小合有四十億万皆發无上正真道意女利行及後宮人三万二千姝女夫人逮得無所從生法樂於中立女見眾人皆發道意心甚歡喜起為佛作礼統佛三匝住佛前說偈言

世尊實神妙演知三世事 斷世姪怒垢 開化沫流人皆到无為城 快樂乃女寧 如是天人中 地為大動傾 今日合大眾 億億百万千 當來及過去 現在得自然

法華三昧經 第四品 第

願得大普恩 法華威神力 三界一切人 皆得是三昧 今我值在世 常行法華事 使世无老死 快樂無憂患 三苦自然除 皆如為三昧 空想於願識 自然現相好 教授沫流人 得意慈音行 光光威儀好 等為身如來 合聚於沫生 三昧豫生行 便使於空中 得慧如上首

女利行說偈已作是念今欲教人 不見法則何事開解人佛即知女心中念便語女欲持何法教何人法復何所在人復何所止立女白佛言如是所說無法无教無人佛語女無法有八事行无教有六事除無人有七事散女問佛何謂八事行六事除七事散佛言一者直見不邪二者直聞不聽三者直治不曲四者直說不煩

五者直行不迷六者直念不思七者直意不動八者直受不尋是為八事行無法何謂无教六事除一者不念有見无見無二者不念有聲无聲無三者不念有味无味無四者不念有香无香無五者不念有觸无觸無六者不念有意無意无是為六事除何

法華三昧經 第五品 第

謂无人七事散無水色无風色無火色无地色無心色无識色無行色是為七事散无人可教當作此解佛亦時說偈言

若有解法華三昧要句品 當念勤精進 曉解得正言 七八六已足 計本无形迹 不受自可欲 去想安寂然 說法无言教 不見有壽命人 本空無寂 不解沫言有不除不斷欲 出入無住處 无痛無思想 不生不死滅 有念為勞苦 不復著因緣 亦現有欲 已反愛灰塵 觀見有病痛 常意與本并 慧見不空念 寂寂安空空 法華三昧現 不出不入住 无見不見空 是為疾得如 便能行施法 以慧為布施 說慧等如是 諸佛皆稱歎

女聞說是時倍復踴躍歡喜起為佛作礼踊在空中去地七尺還坐金剛蓮華上時坐中有比丘心念言是為真是女為幻人自起為佛作礼長跪又手說偈問佛言 本自生愚癡 不識道慧義 不知女利行 為是真男女 審是一定人 用法何復問 真是女子身 所問何以深 生來侍佛法

法華三昧經 第六品 第

未見如是人所見非凡及智慧何以本從何方來而生於王家宿命行何法逮及幾佛來精進健乃今所問如來報戒具真有行能問如有說能忍有柔意但能口說行休心意何如實欲往試之可應樂法往往對不起意若實有智慧我欲從解要省視所說法詠廣入道俗有何異心意獨得是智慧

佛便語比丘言自若于因緣即說偈
報言
女利行本心立德識本處在世來千歲常習於三昧心解衆色要寂然與禪同真是女子身不為化來現本從無色世今來在世界續復如本行已行便立正無身現說心普念衆慈行念法空為本不起因緣相比丘自不解何怪是女身不見無有本反自受縛著禪思欲去色更反為色亂遠苦避三毒已入三毒苦汝自不解身自謂得常安万物如幻化入出無所住四色本虛空自然受形著愛習自拘限懷本起未欲
今時比丘八万四千人聞說偈意解即發无上正真道意不可計天人散

法華三昧經 第七卷 佛

華名香皆來供養佛時舍利弗心念女子乃有是辯何不去女作男佛即知舍利弗心所念便語舍利弗汝自問女舍利弗即問唯女利行所說非常事如與如來共對語何不去女作

男女利行答言唯舍利弗道德之要以慧善見不視於末四色是地水火風五情合六入為衰心意識如幻如化出入无形癡意不盡故與三流對更出浮沉何足珍雖漏盡結解有不淨想无色如為惡苦住反為樂舍利弗問學佛之法應有誇毀言不女問賢者舍利弗去何為誇毀答言一好一惡是為誇毀女報言未曉未了大人所說不以小為小大為大好惡无二等無異誇身身是色誇意意无形四色法空無形无造何所受誇毀者舍利弗答曰卿所說是菩薩大人所行卿未應菩薩何緣乃說此事女報言大人為以何立報言普等為言何謂為普教授十方人遠苦得道是為普唯賢者所說不說普說生死勤苦耳女語舍利弗謂為普者不見有人无

法華三昧經 第七卷 佛

人有教無教有法無法所念是曰為普不為見生死苦欲教之令得道是為普舍利弗无有辯才析答此言女今時說偈歎曰

人用三塵亂輒為六裹者五惡十賊對三厄墮困窮十二連相續四色拘浸三不解名顛倒坐受空聚藏无故没三煙自因授深淵堅藏畏二三自滅更受生宛為空所縛恒懷不淨想自呼是常安為得真自然是董滿閻浮億億百万千所行遍十方不益一切人當有隨受行皆共隨海流可作大法行入海勉欲根决海令滅盡平故无還流返原盡欲室令人歸故鄉故鄉名無為号字清淨堂快樂多紫金入出揚光明恒邊沙劫佛莫不稱歎說以法空無藏无相不願識洌流以海水皆復不足說廣意開化人自然常自安惟念諸賢者乃自反不解無故自受縛幻化受報應
今時四万二千羅漢皆正意第七卷八万五千釋梵皆逮无所行從生六万四千賢女起為佛作礼住佛前說偈言

法華三昧經 第七卷 佛

今日女利行為我眾等說聞說佛深法
令我心開解實欲知道德皆從何所未
聚合眾一切有何神妙德而致與大眾
莫不驚愕心伏意往樂從隨教之所行
願欲未天尊愍發起灌眾至心受大慧
如來神化現應時諸女身倒願去色欲
便欲作沙門佛之知我情畢覺諸審諦
使身如菩薩宜佛神道教當復轉化人
諸賢大眾女俱起在佛前頭面稽首禮
願得如佛像

佛語諸女所說實至心今欲求所願
先當報父母次當復由王得聽可去
耳於是諸女說偈報自言

欲願作沙門先當報父母次當復由王
得聽可作道為道不苦晚但當勤開心
曉解心意卒一切與同等便有决大意
心解乃至道道從解心起不住於縛著
化達觀眾見如復心出生從本知本空
知皆非常苦心亂便隨流所見必有對
不生善惡想今乃作沙門

諸賢女起往至父母所長跪白父母
及大王今日受王恩德來詣佛所為
尊女利行問佛深妙法欲求元為道

法華三昧經 第一卷 第七

現身及一切佛為女說本末生死苦

痛但為色欲者不知道德本緣是元
常至當就三苦勤願欲作沙門願父
母聽我作沙門當得道還度父母父
母語諸女求自然道各自見便利隨

意所習行汝曹尚去我亦隨汝去汝
自白語王得聽便自去用問我為諸
女稽首大王前淚出而言人在三界
中苦欲坐色想不得自在無常率至
元有代者實欲作沙門并與諸女俱
無為得道者當還度父母王願從本意

王語女利行等早欲使汝去隨行作
沙門以汝三事未足是以不遣汝耳
一者未盡學識諸禮教二者常樂未
有見苦三者口食恣味未有足者以
是故不欲遣汝耳若有至意者便去
勿疑吾亦欲作沙門王即起至佛所

作禮白佛言聞說智慧甚願樂園
付太子身歸三尊給侍左右并受法
教欲作沙門求道如佛佛即放光若
千種色其明照十方地為六反震動

諸天作樂覆滿於虛空散華名寶覆
三千大千剎土天下丘墟皆平其有

法華三昧經 第一卷 第七

大山化為黃金枯木更生中有不端

正者皆得願樹木枯者皆生條葉自
然風吹皆歌歎佛功德生華者即自
墮落各氣到佛所羅住空中各說得
讚佛功德

今蒙聖神力得救死復生光色還本然
復實滋道成生死婬亂色辭於枯木時
值佛說音聲還來合本并六色沉著瞋
四色合五欲分別法空然解道成法行
為得真定智快樂得安寧一切皆歡喜
稽首禮佛足

亦時諸六通及羅漢見華有是說女
利行即化為男子復為菩薩一女子
作是二化變眾坐莫不歡喜時一佛剎
中無有女人諸六通道者十萬五千
人三万須陀洹皆得阿惟越致八万
六千人及阿那含皆得柔順法忍不

可計羅漢更發无上正真道意其有
辟支佛行即如弥勒鞞王即以國付
太子太子名辯積拜跪白大王王為
欲施子孫之殃與色身之福施子孫
當以法財之利持誅滅之怨大罪與
子孫大國之治世世漏没人根不知

子孫大國之治世世漏没人根不知

法華三昧經 第一卷 第七

大慧滅善之路與子孫當奈何父王有教不得不從輒便禮拜王而去還國宮殿坐領國普告若不到佛所求無為道作善孝者罪與三逆等太子於殿上精進勇慧廣開大道意心甚過本無量即滅一城之惡地即為六反震動時人民皆言願太子便得作佛我曹大衆皆當承弟亦當作佛佛時笑五色光出照於十方佛刹人民皆發願令我得道如佛天下飲食自然在前如初利天上其國菩薩皆如阿彌陀國中太子辯積得功德在宮七日出詣佛所從大衆羣臣大小人民元央數至佛所為作禮住佛前說億億万千得讚曰

佛作三昧决 功德甚巍巍 光相威神照 感動三千刹 施人無上慧 德普入衆心 感發開童蒙 莫不受福成 演誅法華事 改世灌群異 降伏獷強者 和更受柔順 等尋道場光 世人受業長 去老建空寂 不死而復生 除病速穢辱 色想漫滅勞 陰盖即以除 清淨無欲塵 思想受欲定 流布還無為 空定常寂然 不住不然行

法華三昧經

第十三卷

七

不行元法識 亦現光相成 本法元增滅 常安寂空室 如來現神化 一切得真道 愚癡寂然芝 心與元生同 我今聽說法 演出法華慧 心解得發願 一切得如佛 今欲城國土 願便說法華 以何法行得 當有幾事解 疾得是法華 依義說其慧 皆令分別知 一切心得解 曉了諸法事 當從中外得 得之為遠近 便可立得佛 復更於劫數 久從幾佛受 解慧而有要 須更變化成 願以具演說 昔今大衆知 太子及衆人 作禮還復坐

佛語女利行 欲知法華之開解 所示現也 當來過去現在諸佛 皆從是散身 辟喻品得道 知諦余時有億百千天 及諸梵不可計 人民四十八萬 菩薩逮得無所從 生其有聲聞 皆更發意 時不想菩薩 白佛言 今日大衆聽聞法華三昧 解說事 要都未受訣 佛告菩薩 今日說法華三昧者 皆以授訣 有劫數 各各自有國土 處所是故 不復說耳 若汝不解 自往皆問之時 太子及女利行 即白菩薩 心中所欲 問即各說 偈答報言

法華三昧經

第十四卷

七

惟賢上智慧 何以不解要 其有求想報 皆為不受慧 當說有處所 則非法華事 要當須口說 欲聽真高聲 不解其本末 語亦俱不知 指亦道徑法 猶若如盲人 師子之大音 尚復呼小聲 受訣已得佛 不知禮正道 受訣有國土 辟亦如幻化 有對便出應 不復預思想 見附住教授 弥及去來今 神通无不知 不須有言說 受訣在空无 寂然安無為 常定不動轉 私細人不知 開演於未然 寂靜无所為 是為所樂國 清淨為證正 不念有思想 是為快法安 相好示光明 是為勤苦現 弟子有人民 是為入欲濁 不苦不勤念 都盡不起滅

如是說十八萬億偈 報菩薩即歡喜 說偈讚曰 我自生愚癡 不解上人語 不知其音法 反呼未受决 如今所說偈 甚深難具陳 願發本時意 與神共參論 時太子白佛言 今諸賢皆尚不解要 以善權方便 開解佛即笑 五色光從 心口出 十方皆明 阿難白佛 佛不妄笑 笑必有意 願聞其說 佛語阿難 汝見

法華三昧經 第十五卷

七

大衆不阿難答言見今是如來問皆
 具答各各在十方教化度恒沙等天
 人民皆使作佛今時自然雨香華七
 寶覆三千大千刹土而周匝遍无有
 空處佛語太子此法華所解人身之
 事如是今時不可計恒沙百千人民
 皆發无上正真道意速無所從生心
 無數千聲聞皆速阿惟越致地阿難
 長跪白佛言此名何經云何奉行佛
 語阿難名法華三昧女利行所問解
 人身散情經要集若有男女書寫諷
 誦讀勝行檀八十劫若供養對跪拜
 者勝菩薩行慈三千億万劫若當晚
 解展轉相教勝供養恒邊沙佛若有
 一間是經者不復更生死勤苦不信
 謗者此人以隨亦流未復還本佛語
 阿難囑累汝法華三昧事千劫尚不
 能盡粗說要諦受書持奉行勿得減
 一字正書句逗相得太子所從大衆
 開解各得道慧皆如上首起為佛作
 礼而去

法華三昧經

壬寅歲高麗國大藏都監表

勅雕造

法華三昧經 第六卷 卯

[Faded bleed-through text from the reverse side of the page]

[Faded bleed-through text from the reverse side of the page]

無量義經德行品第一

蕭齊三藏墨摩伽地耶舍

譯

如是我聞一時佛在王舍城耆闍崛山中與大比丘眾萬二千人俱菩薩摩訶薩八萬人天龍夜叉乾闥婆阿修羅迦樓羅緊那羅摩睺羅伽諸比丘比丘左優婆塞優婆夷俱大轉輪王小王國臣國民國士國女國大長者各與眷屬百千萬數而自圍遶來詣佛所頭面禮足遶百千匝燒香散華種種供養供養佛已退一面坐其菩薩名曰文殊師利法王子大威德藏法王子無憂藏法王子大辯藏法王子弥勒菩薩道首菩薩藥王菩薩藥上菩薩花幢菩薩花光幢菩薩陀羅尼自在王菩薩觀世音菩薩大勢至菩薩常精進菩薩寶印手菩薩寶積菩薩寶杖菩薩越三界菩薩毗摩跋羅菩薩香為菩薩大香為菩薩師子吼王菩薩師子遊戲世菩薩師子奮迅菩薩師子精進菩薩勇銳力菩薩師子威猛伏菩薩莊嚴菩薩大莊嚴菩薩如

無量義經德行品

是等菩薩摩訶薩八萬人俱是諸菩薩莫不皆是法身大士戒定慧解脫解脫知見之所成就其心禪寂常在三昧恬安恬怕無為元欲顛倒乱想不復得入靜寂清澄忘玄虛漠守之不動億百千劫元量法門志現在前得大智慧通達諸法曉了分別性相真實有元長短明現顯白又能善知諸根性欲以陀羅尼無礙辯才請佛轉法輪隨順能轉微滯先墮以淹欲塵開涅槃門扇解脫風除世熱惱致法清涼次降甚深十二因緣用濃元明老病死等猛熾熾然苦聚日光介乃洪注無上大乘潤漬眾生諸有善根布善種子遍切德田普令一切發菩提前智慧日月方便時節扶疎增長大乘事業令眾疾成阿耨多羅三藐三菩提常住快樂微妙真實元量大悲救苦眾生是諸眾生真善知識是諸眾生大良福田是諸眾生不請之師是諸眾生安隱樂處救護護處大依止處處處為眾作大導師能為生首而作眼目辭劇聖者作耳鼻舌

法華經 第二卷 高

諸根毀缺能令具足顛在荒亂作大正念船師大船師運載羣生渡生死河置涅槃岸醫王大醫王分別病相曉了藥性隨病授藥令眾樂服調御大調御元諸放逸行猶如鳥馬師能調元不調師子勇猛威伏眾獸難可沮壞遊戲菩薩諸波羅蜜於如來地堅固不動安住願力廣淨佛國不久得成阿耨多羅三藐三菩提是諸菩薩摩訶薩皆有如是不思議功德其比丘名曰大智舍利弗神通目捷連慧命須菩提摩訶迦旃延弥多羅尼子富樓那阿若憍陳如等天眼阿那律持律憂波離侍者阿難佛子羅云憂波難陀離婆多劫宿那薄拘羅阿周陀莎伽陀頭陀大迦葉曼樓頻曇迦葉伽耶迦葉那提迦葉如是等比丘萬二千人皆阿羅漢盡諸結漏无復縛著真正解脫亦時大莊嚴菩薩摩訶薩遍觀眾坐各定意已與眾中八万菩薩摩訶薩俱從坐而起來詣佛所頭面禮足遶百千匝燒散天華天香天衣天璣珞天無價寶從于

法華經 第三卷 鳴

第一七冊

七

空中旋轉來下四面雲集而獻於佛
天厨天鉢器天百味充滿盈溢見色
聞香自然飽足天幢天幡天隱蓋天
妙樂具處安安置作天伎樂娛樂於
佛即前踴跪合掌一心俱共同聲說
偈讚言

大哉大悟大聖主 無垢無染无所著
天人為馬調御師 道風德香熏一切
智恬情怕慮疑靜 意滅識亡心亦寂
永斷夢妄思想念 元復諸大陰界入
其身非有亦非無 非因非緣非自他
非方非圓非短長 非出非沒非生滅
非造非起非為作 非坐非卧非行住
非動非轉非開靜 非進非退非安危
非是非非非得失 非彼非此非去未
非青非黃非赤白 非紅非紫種種色
戒定慧解知見生 三明六通道品發
慈悲十力元畏起 眾生善業因緣出
示為丈六紫金暉 方整照曜甚明徹
毫相月旋頂日光 旋髮紺青頂肉髻
淨眼明照上下眇 眉睫紺舒方口頰
脣舌赤好若丹菓 白齒四十猶珂雪
頷廣鼻脩面門開 宵宵表山宇師子臆

無量義經 第三卷 鳴

手足柔軟具千輻 脈掌合縵內外握
辭脩肘長指直纖 皮膚細軟毛右旋
蹠膝不現陰馬藏 細筋鑠骨鹿膊騰
表裏映徹淨无垢 淨水莫染不受塵
如是等相三十二 八十種好似可見
而實无相非相色 一切有相眼對紀
无相之相有相身 眾生身相相亦然
能令眾生歡喜礼 虔心表敬誠懇懇
因是自高我慢除 成就如是妙色軀
我等八万之等眾 俱共稽首感歸命
善滅思想心意識 為馬調御元著聖
稽首歸依法色身 戒定慧解知見聚
稽首歸依妙幢相 稽首歸依難思議
梵音雷震嚮八種 微妙清淨甚深遠
四諦六度十二緣 隨順眾生心業轉
有聞莫不心意開 无量生死眾結斷
有聞或得須陀洹 斯陀阿那阿羅漢
無漏元為緣覺處 無生无滅菩薩地
或得无量陀羅尼 無礙樂說大辯牙
演說甚深微妙得 遊戲漂浴法清池
或躍飛騰現神足 出沒水火身自由
如是法輪相如是 清淨无邊難思議
我等咸復共稽首 歸依法輪轉以時

無量義經 第三卷 鳴

稽首歸依梵音聲 稽首歸依綠諦度
世尊往昔无量劫 勤苦修習眾德行
為我人天龍神王 普及一切諸眾生
能捨一切諸難捨 財寶妻子及國城
於法内外无所恡 頭目髓腦志施人
奉持諸佛清淨戒 乃至失命不毀傷
若人刀杖來加害 惡口罵辱終不瞋
歷劫挫身不倦情 晝夜攝心常在禪
遍學一切眾道法 智慧深入眾生根
是故今得自在力 於法自在為法王
我等咸共俱稽首 歸依能勤諸難勤
無量義經說法品第二

無量義經 第六卷 鳴

今時大莊嚴菩薩摩訶薩與八万菩
薩摩訶薩說是偈讚佛已俱自佛言
世尊我等八万菩薩之眾今者欲於
如來法中有所諮問不審世尊垂慈
聽不佛告大莊嚴菩薩及八万菩薩
言善哉善哉善男子善知是時恣汝
所問如來不久當般涅槃涅槃之後
昔令一切元復餘疑欲何所問便可
說也於是大莊嚴菩薩與八万菩薩
即共同聲白佛言世尊菩薩摩訶薩
欲得疾成阿耨多羅三藐三菩提應

當修行何等法門何等法門能令菩薩摩訶薩疾成阿耨多羅三藐三菩提佛告大莊嚴菩薩及八萬菩薩言善男子有一法門能令菩薩疾得阿耨多羅三藐三菩提若有菩薩學是法門者則能疾得阿耨多羅三藐三菩提世尊是法門者号字何等其義云何菩薩云何修行佛言善男子是一法門名為無量義菩薩欲得修學無量義者應當觀察一切諸法自本末今性相空寂無大元小無生元滅非住非動不進不退猶如虛空無有二法而諸衆生虛妄橫計是此是彼是得是失起不善念造衆惡業輪迴六趣備諸苦毒無量億劫不能自出菩薩摩訶薩如是諦觀生憐愍心發大慈悲將欲救拔又復深入一切諸法法相如是生如是法法相如是住如是法法相如是異如是法法相如是滅如是法法相如是能生惡法法相如是能生善法住異滅者亦復如是菩薩如是觀察四相始末悉遍知已次復諦觀一切諸法念念不住新新

無量義經

第七卷

生滅復觀即時生住異滅如是觀已而入衆生諸根性欲性欲元量故說法無量說法元量義亦元量無量義者從一法生其一法者即无相也如是無相无相不相不相無相名為實相菩薩摩訶薩安住如是真實相已而發慈悲明諦不虛於衆生所真能拔苦若既拔已復為說法令諸衆生受於快樂善男子菩薩若能如是修一法門元量義者必得疾成阿耨多羅三藐三菩提善男子如是甚深無上大乘元量義經文理真正尊無過上三世諸佛所共守護元有衆魔群道得入不為一切邪見生死之所壞敗是故善男子菩薩摩訶薩若欲疾成元上菩提應當修學如是甚深無上大乘無量義經今時大莊嚴菩薩復自佛言世尊世尊說法不可思議衆生根性亦不可思議法門脫亦不可思議我等於佛所說諸法无復疑惑而諸衆生迷惑心故重諮問世尊自從如來得道已來四十餘年常為衆生演說諸法四相之義苦義空義元常元我無大元小無生

無滅一切无相法性法相本來空寂不來不去不出不沒若有聞者或得煇法頂法世第一法須陀洹果斯陀含果阿那含果阿羅漢果辟支佛道發菩提心登第一地第二第三至第十地往日所說諸法之義與今所說有何等異而言甚深元上大乘無量義經菩薩修行必得疾成元上菩提是事云何唯願世尊慈愍一切廣為衆生而分別之普令現在及未來世有聞法者无餘疑網於是佛告大莊嚴菩薩善哉善哉大善男子能問如來如是甚深無上大乘微妙之義當知汝能多所利益安樂人天拔苦衆生真大慈悲信實不虛以是因緣必得疾成元上菩提亦令一切今世來世諸有衆生得成無上菩提善男子自我道場菩提樹下端坐六年得成阿耨多羅三藐三菩提以佛眼觀一切諸法不可宣說所以者何以諸衆生性欲不同性欲不同種種說法種種說法以方便力四十餘年未曾顯實是故衆生得道差別不得疾成元上菩

無量義經

第九卷

提善男子法辭如水能洗垢穢若井
 若池若江若河溪渠大海皆悉能洗
 諸有垢穢其法水者亦復如是能洗
 衆生諸煩惱垢善男子水性是一江
 河井池溪渠大海各各別異其法性亦
 亦復如是洗除塵勞等无差別三法
 四果二道不一善男子水雖俱洗而
 并非池池非江河溪渠非海而如來
 世雄於法自在所說諸法亦復如是
 初中後說皆能洗除衆生煩惱而初
 非中而中非後初中後說文辭雖一
 而義各異善男子我起樹王詣波羅
 奈鹿野園中為阿若拘隣等五人轉
 四諦法輪時亦說諸法本來空寂代
 謝不住念念生滅中間於此及以處
 處為諸比丘并衆菩薩辯演宣說十
 二因緣六波羅蜜亦說諸法本來空
 寂代謝不住念念生滅今復於此演
 說大乘无量義經亦說諸法本來空
 寂代謝不住念念生滅善男子是故初
 說中說今說文辭是一而義差異義
 異故衆生解異解異故得法得果得
 道亦異善男子初說四諦為求聲聞

無量義經 第十一張

人而八億諸天來下聽法發菩提心
 於處處演說甚深十二因緣為求辟
 支佛人而无量衆生發菩提心或住聲
 聞次說方等十二部經摩訶般若華
 嚴海雲演說菩薩歷劫修行而百千
 比丘萬億人天無量得須陀洹得
 斯陀含得阿那含得阿羅漢住辟支
 佛因緣法中善男子以是義故故知
 說同而義別異義異故衆生解異解
 異故得法得果得道亦異是故善男
 子自我得道初起說法至于今日演
 說大乘无量義經未曾不說苦空無
 常无我非真非假非大非小本來不
 然今亦不滅一切無相法相法性不
 來不去而衆生四相所遷善男子以
 是義故諸佛元有二言能以一音普
 應衆聲能以一身示百千萬億那由
 他無量無數恒河沙身一一身中又
 示若干百千萬億那由他阿僧祇恒
 河沙種種類形一一形中又示若干
 百千萬億那由他阿僧祇恒河沙形
 善男子是則諸佛不可思議甚深境
 界非二乘所知亦非十住菩薩所及

無量義經 第十一張

唯佛與佛乃能究了善男子是故我
 說微妙甚深无上大乘无量義經文
 理真正尊元過上三世諸佛所共守
 護無有衆魔外道得入不為一切邪
 見生死之所壞敗菩薩摩訶薩若欲疾
 成無上菩提應當修學如是甚深无
 上大乘無量義經佛說是已於是三
 千大千世界六種震動自然空中雨
 種種花天曼鈴羅華鉢曇摩華拘物
 頭華分陀利華又雨無數種種天香
 天衣天瓔珞天無價寶於上空中旋
 轉來下供養於佛及諸菩薩聲聞大
 衆天厨天鉢器天百味充滿盈溢天
 幢天幡天幟盖天妙樂具處處安置
 作天伎樂歌歎於佛又復六種震動
 東方恒河沙等諸佛世界亦雨天華
 天香天衣天瓔珞天無價寶天厨天
 鉢器天百味天幢天幡天幟盖天妙
 樂具作天伎樂歌歎彼佛及彼菩薩
 聲聞大衆南西北方四維上下亦復
 如是於是衆中三方二千菩薩摩訶
 薩得无量義三昧三萬四千菩薩摩
 訶薩得无數無量陀羅尼門能轉一

無量義經 第十二張

切三世諸佛不退轉法輪其諸比丘比丘左優婆塞優婆夷天龍夜叉龍闍婆阿修羅迦樓羅緊那羅摩睺羅伽大轉輪王小轉輪王銀輪鐵輪諸轉輪國王王子國臣國民國士國女國大長者及諸眷屬百千眾俱聞佛如來說是經時或得煇法頂法世間第一法須陀洹果斯陀含果阿那含果阿羅漢果辟支佛果又得菩薩元生法忍又得一陀羅尼又得二陀羅尼又得三陀羅尼又得四陀羅尼五六七八九十陀羅尼又得百千萬億陀羅尼又得無量元數恒河沙阿僧祇陀羅尼皆能隨順轉不退轉法輪元量眾生發阿耨多羅三藐三菩提心

無量義經十功德品第三

今時大莊嚴菩薩摩訶薩復白佛言世尊世尊說是微妙甚深元上大乘無量義經真實甚深甚深所以者何於此眾中諸菩薩摩訶薩及諸四眾天龍鬼神國王臣民諸有眾生聞是甚深元上大乘無量義經元不獲得

無量義經 第十三卷 講

陀羅尼門三法四果菩提之心當知此經文理真正尊無過上三世諸佛之所守護元有眾魔羣道得入不為一切邪見生死之所壞敗所以者何一聞能持一切法故若有眾生得聞是經則為大利所以者若能修行必得疾成阿耨多羅三藐三菩提其有眾生不得聞者當知是等為失大利過元量無邊不可思議阿僧祇劫終不得成阿耨多羅三藐三菩提所以者何不知菩提大道直故行於險徑多留難故世尊是經典者不可思議唯願世尊廣為大眾慈哀敷演是經其深不思議事世尊是經典者從何所來去何所至住何所住乃有如是元量功德不思議力令眾疾成阿耨多羅三藐三菩提今時世尊告大莊嚴菩薩摩訶薩言善哉善哉善哉善哉善哉如是如汝所言善男子我說是經甚深甚深真實甚深所以者何令眾疾成阿耨多羅三藐三菩提故一聞能持一切法故於諸眾生大利益故行大直道無留難故善男子汝

無量義經 第十四卷 講

問是經從何所來去至何所住何所住者當善諦聽善男子是經本從諸佛宮宅中來去至一切眾生發菩提心住諸菩薩所行之處善男子是經如是來如是去如是住是故此經能有如是元量功德不思議力令眾疾成阿耨多羅三藐三菩提善男子汝寧欲聞是經復有十不思議功德力不大莊嚴言願樂欲聞佛言善男子第一是經能令菩薩未發心者發菩提心元慈仁者起於慈心好煞戮者起大悲心生嫉妬者起隨喜心有愛者起能捨心諸慳貪者起布施心多憍慢者起持戒心瞋恚者起忍辱心生懈怠者起精進心諸散亂者起禪定心於愚癡者起智慧心未能度彼者起度彼心行十惡者起十善心樂有為者志元為心有退心者作不退心為有漏者起无漏心多煩惱者起除滅心善男子是名是經第一功德不思議力善男子第二是經不可思議功德力者若有眾生得是經者若一轉若一偈乃至一句則能通達百千億義無

無量義經 第十五卷 講

量數劫不能演說所受持法所以者何以其是法義无量故善男子是經辭如從一種子生百千萬百千萬中一一復生百千萬數如是展轉乃至无量是經典者亦復如是從於一法生百千義百千義中一一復生百千萬數如是展轉乃至无量無邊之義是故此經名无量義善男子是名是經第二功德不思議力

善男子第三是經不可思議功德力者若有衆生得聞是經若一轉若一偈乃至一句通達百千萬億義已雖有煩惱如無煩惱出生入死元怖畏想於諸衆生憐愍心於一切法得勇健想如壯力士能擔能持諸有重者是持經人亦復如是能荷无上菩提重寶擔負衆生出生死道未能自度已能度彼猶如船師身嬰重病四體不御安止此岸有好堅牢船舟常辦諸度彼者之具給與而去是持經者亦復如是雖嬰五道諸有之身百八重病常恒相經安止无明老死此岸而有堅牢此大乘經无量義辦能

無量義經 第十六卷 嗎

無量義經

第十七卷 嗎

度衆生能如說行者得度生死善男子是名是經第三功德不思議力善男子第四是經不可思議功德力者若有衆生得聞是經若一轉若一偈乃至一句得勇健想雖未自度而能度他與諸菩薩以為眷屬諸佛如來常向是人而演說法是人聞已志能受持隨順不逆轉復為人隨且廣說善男子是人辭如國王夫人新生子王若一日若二日若至七日若一月若二月若至七月若一歲若二歲若至七歲雖復不能領理國事已為臣民之所宗敬諸大王子以為伴侶王及夫人愛心偏重常與共語所以者何以稚小故善男子是持經者亦復如是諸佛國王是經夫人和合共生是菩薩子若是菩薩得聞是經若一句若一偈若一轉若二轉若十若百若千若萬若億若恒河沙元量無數轉雖復不能體真理極雖復不能震動三千大千國土雷震梵音轉大法輪已為一切四衆八部之所宗仰諸大菩薩以為眷屬深入諸佛秘

密之法所可演說無違无失常為諸佛之所護念慈愛偏覆以新學故善男子是名是經第四功德不思議力善男子第五是經不可思議功德力者若善男子善女人若佛在世若滅度後其有受持讀誦書寫如是甚深無上大乘元量義經是人雖復具縛煩惱未能遠離諸凡夫事而能示現大菩提道延於一日以為百劫百劫亦能促為一日令彼衆生歡喜信伏善男子是善男子善女人辭如龍子始生七日即能興雲亦能降雨善男子是名是經第五功德不思議力善男子第六是經不可思議功德力者若善男子善女人若佛在世若滅度後受持讀誦是經典者雖具煩惱而為衆生說法令得遠離煩惱生死斷一切苦衆生聞已修行得法得果得道與佛如來等無差別辭如王子雖復稚小若王遊巡及以疾病委是王子領理國事王于是時依大王命如法教令群寮百官宣流正化國土人民各隨其安如大王治等無有異持經

無量義經

第十八卷 嗎

善男子善女人亦復如是若佛在世若滅度後是善男子雖未得住初不動地依佛如是用說教法而敷演之衆生聞已一心修行斷除煩惱得法得果乃至得道善男子是名是經第六功德不思議力

善男子第七是經不可思議功德力者若善男子善女人於佛在世若滅度後得聞是經歡喜信樂生希有心受持讀誦書寫解說如法修行發菩提心起諸善根興大悲意欲度一切苦惱衆生雖未修行六波羅蜜六波羅蜜自然在前即於是身得无生忍生死煩惱一時斷壞即昇第七地與大菩薩位譬如健人為王除怨怨既滅已王大歡喜賞賜半國之封皆悲與之持經男子女人亦復如是於諸行人家為勇健六度法寶不求自至生死怨敵自然散壞證无生忍半佛國寶封賞安樂善男子是名是經第七功德不思議力

善男子第八是經不可思議功德力者若善男子善女人於佛在世若滅

度後有人能得是經典者敬信如視佛身今等無異愛樂是經受持讀誦書寫頂戴如法奉行堅固戒忍兼行檀度深發慈悲以此元上大乘無量義經廣為人說若人先來都不信有罪福者以是經示之設種種方便強化令信以經威力故發其人心欸然得迴信心既發勇猛精進故能得是經威德勢力得道得果是故善男子善女人即於是身得無生法忍得至上地與諸菩薩以為眷屬速能成就衆生淨佛國土不久得成無上菩提善男子是名是經第八功德不思議力

善男子第九是經不可思議功德力者若善男子善女人若佛在世及滅度後有得是經歡喜踊躍得未曾有受持讀誦書寫供養庶為衆人分別解說經義者即得宿業餘罪重障一時滅盡便得清淨逮得大辯次第莊嚴諸波羅蜜獲諸三昧首楞嚴三昧入大持持門得勤精進力速越上地善能分身散體遍十方國拔濟一切二十五有極苦衆生志令解脫是

故是經有如此力善男子是名是經第九功德不思議力

善男子第十是經不可思議功德力者若善男子善女人若佛在世及滅度後若得是經發大歡喜生希有心即自受持讀誦書寫供養如說修行復能廣勸在家出家人受持讀誦書寫供養解說如法修行既令餘人修行是經力故得道得果皆由是善男子善女人慈心勲化力故是善男子善女人即於是身便速無量諸陀羅尼門於凡夫地自然初時能發元數阿僧祇弘誓大願深能發救一切衆生成就大悲廣能救苦厚集善根饒益一切而演法澤洪潤枯涸以衆法藥練諸衆生安樂一切漸見超登住法雲地恩澤普潤慈被无外攝苦衆生今入道迹是故此人不久得成阿耨多羅三藐三菩提善男子是名是經第十功德不思議力

善男子如是無上大乘无量義經極有大威神之力尊无過上能令諸凡夫皆成聖果永離生死而得自在是